


解縣志

宿松徐嗣甲署




解縣志卷之七

文儒傳

詩書之澤所及者遠黃巾賊不入鄭康成里醜類
 猶知敬儒者况生同邑并親炙而私淑者其觀感
 為尤切也闕黨童子將命矣互鄉童子與潔矣聖
 人有教無類後世未易企及然苟學問文章表彰
 於世後生小子必有聞其風而興起者是亦操轉
 移風化之權也作文儒傳

南北朝



柳惔字文通世隆子好學工製文尤曉音律少與兄悅
齊名王儉謂人曰柳氏二龍可謂一日千里儉嘗造
世隆宅世隆謂為詣已徘徊久之及至門為求悅及
惔遣語曰賢子俱有盛才一日相顧今故報禮若仍
相造似非本意嘗預齊武烽火樓宴上善其詩曰惔
非徒風韻清爽亦屬文道麗後為巴東王子響友隨
鎮荊州稱疾還獲免於累遷剡安太守免建武末為
梁南秦二州刺史舉漢中以應梁武梁初為太子詹
事加散騎常侍先是武帝鎮襄陽惔祖道帝解茅土

玉環贈之天監二年元會上曰玉環新亭所贈耶對
曰既而瑞感神衷臣謹服之無穀上因勸之酒恢未
卒爵上曰吾常比卿劉越石近辭危酒耶罷會封曲
江縣侯上為詩遺恢爾實冠羣后惟予實念功上嘗
謂朕放徐元瑜諸子何如恢曰罰不及嗣賞延於世
今復見之聖朝時以為知言尋遷尚書左僕射年六
十卒於湘州刺史謚曰穆恢度寬博家人未嘗見其
喜愠子昭中書郎襲曲江侯

柳惲字文暢世隆子少有志行好學善尺牘與陳郡謝

瀟友善齊竟陵王子良引為法曹行參軍嘗置酒後
園有晉太傅謝安鳴琴在側援以授惔惔彈為雅弄
子良曰卿巧越稽心妙臻羊體良質美手信在今夜
為太子洗馬試守鄱陽除驃騎從事中郎梁武帝至
建業以為征東府司馬上牋請先收圖籍及遵漢高
寬大之義從之徙相國右司馬天監元年除長兼侍
中與沈約共定新律惔性正素以貴公子早有令名
少工篇什為詩云亭皋木葉下隴首秋雲飛瑯琊王
融見而歎賞因書齊壁及白團扇武帝晏必詔賦詩

嘗和登景陽樓篇云太液滄波起長楊高樹秋翠華
承漢遠雕輦逐風游深見賞美當時咸共稱傳歷平
越中郎將廣州刺史秘書監右衛將軍再為吳興太
守為政清靜人吏懷之惓善彈琴好醫術甚品在弟
二上謂周捨曰吾聞君子不可求備至如柳惲可謂
具美分其才藝可了十人少子偃字彥游年十二梁
武帝問讀何書對曰尚書又問有何美句對曰德惟
善政政在養民衆咸異之尚武帝女長城公主拜駙
馬都尉都亭侯位鄱陽內史卒子盼尚陳文帝女富

陽公主拜駙馬都尉後主初以帝舅加散騎常侍劾
免卒贈侍中中護軍后從祖弟莊清警有鑒識深被
恩禮位度支尚書入隋為岐州司馬

柳崇字僧生七世祖軌晉廷尉卿崇方雅有器量身長
八尺美鬚明目兼有學行舉秀才射策高第為本郡
邑中正累遷河中太守卒於官贈岐州刺史謚穆崇
文章冠亂遺失長子慶和性沈靜不競於時位給事
中慶和弟楷字上則身長八尺善草書頗涉文史位
撫軍司馬

裴俠字嵩和祖思齊舉秀才父欣西河郡守俠幼而聰
慧州舉秀才從孝武入關王思政鎮玉壁以俠為長
史未幾為齊神武所攻神武以書招思政思政令俠
草報詞甚壯烈周文嘉之曰雖魯連無以加也除河
北郡守功績尤著周武成元年卒

柳蚪字仲盤年十三即專精好學徧受五經兼涉子史
雅好屬文孝昌中揚州刺史李憲舉秀才兗州刺史
馮雋引為府主簿揚州刺史樊義又以為揚州從事
加鎮遠將軍棄官還洛陽大統三年馮翊王元季海

領軍獨孤信鎮洛陽時舊京人物惟蚪在陽城裴諏
在潁川信等俱徵之以蚪為行臺郎中諏為北府屬
並掌文翰蚪勵精從事通夜不寢季海嘗云柳郎中
辦事我不復重看四年入朝為獨孤信開府從事中
郎信出鎮秦隴為二府司馬不綜府事惟在左右談
論而已因使見周文留為丞相府記室封美陽縣男
請史官記事者當朝顯言其狀庶令是非得失無隱
事遂施行時人論古今文體之異蚪謂時有古今文
無古今十四年除秘書丞遷中書侍郎終起居注廢

帝初遷秘書監加車騎大將軍儀同三司蚪嘗敝衣
蔬食曰衣不過適體食不過充饑孜孜營求徒勞思
慮耳恭帝元年卒年五十四贈兗州刺史謚曰孝子
鴻漸嗣

柳元達涉獵經史仕齊諸王叅軍與裴叔業姻婭叔業
獻款元達贊成其計入魏除司徒諮議叅軍封南頓
縣子卒改封夏陽子絳襲絳弟遠字季雲好彈琴耽
酒時有文詠每出行返家人或問消息答云無所聞
縱聞亦不解後客遊卒元達弟元瑜位陰平太守子

角身三言
諸有文學善鼓琴以新聲手勢京師士子翕然從學
除著作佐郎於河陰遇害

王春少精易占明陰陽風角齊神武帝引為館客韓陵
之戰四面受敵從寅至午三合三離將士皆懼神武
欲退春叩馬諫曰至未當大勝縛其子詣軍門不勝
請斬之已而戰果捷後從征討占事多中位東徐州
刺史封安邑縣公卒贈秦州刺史

裴諏之字士正釋褐為太學博士嘗從常景借書百卷
閱十許日便還後應問無遺景歎曰應奉五行俱下

彌衡一覽便記今復見於裴生矣時有誼之勝讓之
之語周文帝時為大行臺倉曹郎中

隋

柳靖字思休遐子少方雅博覽墳籍仕梁正員郎入周
授大都督歷河南德廣二郡守有政術吏人畏愛之
然性愛閑素於名利淡如也及秩滿還鄉便有終焉
之志隋文帝時召徵之以疾固辭閉門自守足不歷
園庭殆將十載子弟奉若嚴君其有過者靖必下帷
自責長幼相率拜謝然後見之勗以禮法鄉里亦慕

而化之或有不善者惟恐柳德廣知也時論方之王
烈云

唐

衛大經三妻里人卓然高行口無二言武后召之固辭
疾素善魏夏侯乾童聞其母卒盛暑步行往弔或止
之曰不如致書答曰書能盡意耶比至乾童以事行
乃設席行弔禮不詢其家而還開元初畢構為刺史
使縣令孔慎言就謁辭不允大經遂於易人謂易聖
預筮死日鑿墓自為志如言終

柳芳爽之族子開元末進士由永甯衛直史館改集賢
學士子冕字敬叔博學富文詞與父並居集賢院以
議論勁切忤執政出為刺史轉為觀察使

柳讖字方明渾兄知名士也工文章與蕭穎士元德秀
劉迅相上下而讖練理創端往往詣極當時作者服
其簡拔

柳中庸名淡以字行御史開弟與弟中行皆有文名蕭
穎士以女妻之仕為洪府戶曹

柳察躬從裕子為德清令世德廉孝颺於河濟士之稱

角身志言
家風者歸焉

柳宗元字子厚侍御史鎮子聰警絕衆尤精西漢詩騷
下筆構思與古為侔精裁密綴璨若珠貝當時流輩
咸推之第進士累遷監察御史王叔文工言治道而
又深敬宗元宗元以為可以共立仁義碑教化與之
親善順宗即位叔文用事擢禮部員外郎叔文敗坐
貶邵州刺史不半道再貶永州司馬當時賢者惜之
宋胡氏責其未細察叔文非以為賢乎宗元既罹竄
逐涉履蠻瘴崎嶇堙厄蘊騷人之鬱鬱悼寫情敘事動

必以文為騷文十數篇覽者咸悲惻元和十年移柳
州刺史時劉禹錫徙播州宗元謂播非人所居而夢
得有老母將拜疏以柳易播雖重得罪死不恨會裴
度亦白其事禹錫得易連州柳俗以男女質錢約不
時贖子本相侔則沒為奴婢宗元與設方計悉令贖
歸其尤貧力不能者令書其傭足相當則使歸其質
已沒者出已錢助贖觀察使下其法於他州比一歲
免而歸者且千人柳人立祠祀之衡湘以南為進士
者皆以宗元為師一經指授即有可觀時號柳柳州

云卒年四十七子周六周七方幼歸葬萬年祖塋韓
愈誌其墓

金

南濤大定初貢士長於文學一時碑志多出其手

劉制文學與南濤齊名著述甚富尤工書

關漢卿工樂府著北曲六十本文致曰關漢卿如瓊筵

醉客

見通志

元

岐裕齋三張村人隱居不仕以學行鳴於所居建孔顏

曾燕居堂及學舍歲時率鄉人修祀事習禮儀敘鄉
飲少長之節教樹畜敦行誼子孫耕讀以為世守甘
貧賤無外慕鄉里化之生六子皆以卿名張正有六
卿詠

明

尚淵永樂甲午舉人刑部主事以文學名

龐通泰康坊人永樂四年舉人初任禹城知縣歷升長
史政績甚著鄉黨以德行推重之

李濡正統甲子舉人歷掖縣曲周教諭司教四十餘年

角身
卷之八
端方嚴正士無違言

王文字貫道成化乙酉舉人幼孤事母孝性沉默詩文
自成一家歷任武功汲縣教諭卓立師範人材多所
成就雖盛暑必衣冠生平無干謁致任歸杜門不出
州守重之常臨訪焉

蒲昭字克明成化二十二年貢昌樂縣丞初為太學生
闕廟祭田被豪強佔沒奏請勅部行查勘斷歸見碑
記呂柟判解時以昭高年多識纂修州志多所諮訪
呂子固字孟堅宏治己酉舉人授富平教諭精性命理

為人端方動必以禮法自持誘掖獎勸多所成就解
組後四方學者益衆子鳴韶嘉靖十五年貢官元氏
教諭甘貧樂道以孝友稱嘗佐馬谿田修陝西志

呂簠字品器宏治六年貢江甯縣主簿有文學名

王光祖正德間貢遊呂涇野之門精思力行研窮理學
不治舉子業涇野轉官南都光祖負笈從之涇野歎
其篤信好學比歸築室祀先聖賢讀書其中題曰明
誠精舍

王玉瓚字子中正德十六年貢任武進縣丞立志堅確

問學賅博尤長於詩

介一清字白石偉幹負奇氣而優於學闡策幅不能容
作雙行書殿試二甲授兵部主事歷車駕司郎中出
知延安鄖陽府政績卓著歸田時遇鄉人大饑賑粟
數百石年八十三卒子孫科甲鼎盛此公積之也

鄭茆字茂卿嘉靖四十五年貢性質樸端確自守歷鄆
陵訓導膚施教諭金州學正口授生徒得俸金輒濟
貧士人多德之致仕歸撫諸姪卹鄰里諸多善行子
國俊國彥相繼登第人謂盛德之報國俊字檀峰初

任中書歷官浙江布政使方正耿直出處如一子鴻
業官中書國彥官吏部司務

王旬好學明理性至孝嘗建祠堂歲率子弟修祀事鄉
里稱之

杜可久隆慶庚午舉人品節高邁工詩文嘗送人北上
云見說容城為便道憑君寄淚到椒山蓋慕椒山之
為人其風節概可見矣

侯加采字亮余居震子萬歷己丑進士由河內尹累官
四川遵義副使所至有聲宦橐如洗初任順德時母

病即解官歸。凡病如之。居家以講明性學為事。諸達官造訪皆謝不見。從之遊者稱理學先生。

譚奇字讓吾。萬厯間貢榆。次教諭。訓士有法。品尤廉靜。孫維藩字屏所。萬厯四十八年貢。任長安教諭。介直不阿。邵暮夜金見陝西通志。

李邦才字擴齋。以儒醫名。博覽羣芳。脉通太素。尤精於東垣十書。診視罔不奇中。由明經入太學。當路相推重。以母老辭歸。

李師泌字唐賓。天啟舉人。制行端方。卓然自立。

王毓麟字鍾宇明之子歲貢授漢陰知縣居家儉素銳
意讀書世業戴經因名其塾曰學禮館從學者甚衆
李希稷字又田瑱次子素行端謹無貴介氣孝事繼母
撫孤姪有成由歲貢任潞安府訓導歷升大同府教
授移疾歸杜門息養士論重之

李衍祥字吉吾歲貢肥鄉縣訓導溫和公謹教士有法
服其化者甚衆

張國選字懷雲成翼子學問博雅立身不苟以歲貢授
成都訓導遷萬縣教諭所至人重其品士服其學

介一洲以醫濟世全活甚衆病雖危急一經著手無不
立愈人以神仙稱之

王旌召庠生性敦厚授徒以節義為先一時遊其門者
多通儒忠烈趙躋昌其最著也孫宏登清順治丁酉
賢書授朔州學正

清

喬廷桂字芳一凌雲子少貧嗜學年十五登第選翰林
庶吉士歷任文衡擢侍讀學士酌定州為大學入庠
廣額性樸素公事外閉門索居不隨時尚外轉例補

臬司遽引疾歸晚號拙守山人年八十二卒

馬淑援字亦波號濶庵近樂子淹貫載籍年二十一中
崇禎己卯舉人順治三年會副初授福建邵武府推
官丙午充鄉試同考官歷任四載舉卓異會奉裁改
補杜門不復出重纂秦州志存一時文獻勤於課子科
名相繼

介舜年字雲樞一清曾孫夢龍孫順治戊子舉人沁水
知縣己酉本省同考官性方正不可干以私友愛昆
弟周卹姻族教子孫咸登科第人以為盛德之報

侯世科字抑之加地子順治四年貢河南嵩縣訓導甫
四月丁內艱歸遂絕意仕進徜徉山水間以詩酒自
娛州守稱其高數舉鄉飲

楊攀桂字月賓庠生性孝友才優學贍順治六年學政
盧表其門曰謙尊而光舉鄉飲年七十五卒

楊愈節字柱瀾雲梯子順治九年貢少嗜學宿書最富
寒暑不輟力追博雅甲申歲逆閹構難考掠富室舊
家號曰比餉節以父雲梯曾令望江亦在比數中急
辦百金往蒲輸限道逢世一史內府物也見而悅之

欲以輸金市從者力止之節曰極知比餉急使即死亦已矣萬一不死而此書落人手豈非終身恨事竟買之賊帥聞釋不復比人號書淫

介元祐字右人歲貢高潔端亮與人交胸無城府尤喜文學士淹博能文

介孝璿字長褐松年子康熙甲辰進士授撰文中書轉兵部武庫司主事提督江南蘆政尋卒詩文有仙才之日懷經濟未竟厥用人咸惜之

馬允邵字幼越淑媛四子幼聰穎為文宏博秀麗中康

熙乙卯副車屢試不售遂絕意仕進好吟詠與弟龍
游令允尚極壘麓唱和之樂舉鄉飲

王朴本姓朱蒲人徙於解冲夷高簡博通典籍州守江
闈恒式其廬子鼎銑州庠生琴書自得風韻脩然次
鼎錡字季光事母能得歡心錡子鼎淳庠生克敦孝
友侍母疾六年不勑母歿廬墓三年昆季叔姪間周
卹備至其修潔孤高仍有先人遺風

介孝瑞字輯五舜年長子乙丑進士戊辰殿試以知縣
候選性嗜學登第後杜門著述以不仕終子錫周孫

王朝相繼登科鄉里豔羨

介孝璿字衡玉舜年次子嗣春年後康熙丙子舉人少
英敏嗜讀書以淹博聞既舉於鄉窮年矻矻討論不
輟嘗網羅州境暨隸縣典實排纂成書而田賦鹽政
利弊尤稱精覈知浙江海鹽縣以經術行吏治卓有
循聲莅任九月卒時議惜之

介孝璿字荆韜舜年三子康熙庚辰進士選庶常轉編
修纂修清朝功臣傳辛卯典試福建所拔多名士時
稱八閩文風駸駸日上坐闈中失察罷歸娛志詩書

不與世務嚴氣正性戒飭子姪時以謹厚儉樸為訓
續修州志輯畧尤工制義膾炙人口卒年七十有五
馬詒刑字儀型淑媛孫性孝友讀書不為章句教子若
熊登賢書

侯如礪字憲伯庠生學問淹通杜門不與世務力遵宋
儒格言執經者甚衆率皆成名

李瑗性孝友以歲貢選岳陽司訓教士先德行而後文
藝曾書座右云居一官効一官之職位一日盡一日
之事先是瑗父倬有學行每以誠敬教瑗故常兢兢

懍庭訓焉

介錫彤字勳侯孝璿三子幼穎悟絕倫讀書數行俱下
為文按晷立就博覽載籍質以疑難無不窮源究委
甫登鄉薦賁志以歿士論惜之

馬宗文歲貢好學敦行誼力追古人鄉黨服其化有五
彥方之風

王翕字式好庠生以長厚稱訓子中登賢書

趙侯命字居易敦本力行訓後有方子文烜登乾隆戊
午賢書

介錫周字鼎卜舜年孫孝瑞子康熙辛丑進士任貴州
按察使以告退改太僕寺少卿及歸里杜門謝客自
稱老書生如未嘗居官者然性嗜學淹貫經史州守
言如泗纂修州志徵文考獻錫周與有力焉

介玉湖字對江錫周子性穎悟博極羣書乾隆壬戌成
進士授吏部郎中不交權貴同僚率嚴憚之致仕歸
日與故舊談論詩書絕口不言官事鄉里咸推重焉
喬壽愷字令德乾隆壬申舉人甯武縣教諭品行端方
淹貫經史士林欽服

董之璠字魯玉伊志次子乾隆壬午舉人持身莊嚴從
無干謁訓徒數十年遊其門者多知名士善書法尤
工草書有龍跳虎卧之勢授介休縣教諭課邑諸生
如在家塾時解組歸介邑人士咸思慕不置云

馬佩珩乾隆庚寅解元太平縣教諭少貧甚與妻共食
糟糠誦讀無少輟嘗語妻云吾開卷即忘憂也每鄉
試自負行囊就道夜宿廟宇簷下習為常庚寅省報
到家方與妻共作苦聞捷若不知者然人服其雅量
王調元字叶宮號晚香乾隆丁酉亞元福建甌甯縣知

縣學問精深甌甯素有虎患及下車虎頓渺然邑人神之號曰神君署浦城亦多德政及去百姓立祠祀之

董元英字俊伯乾隆丙午副榜任興縣教諭克盡倫常言動不苟博文通經手不釋卷者五十餘年時有理學之日

張嘉琮庠生居喪哀禮兼盡幼善事繼母鄰里親族皆稱之為人敬謹篤實不苟言笑與人和藹雖遇樵牧無慢容學問以躬行為重不尚文辭從學者甚衆

陳葆中嘉慶辛酉舉人性孤高不尚干謁領鄉薦後絕
意仕進惟以造就人材為心遠近從遊者多登科第
馬履豐字我卜步蘭子嘉慶辛酉舉人素敦孝弟誨人
不倦授徒三十餘年及門膺選拔掇魏科者無算後
以知縣改就洪洞縣教諭多士奉為典型

李雲棟嘉慶庚午舉人廣東連山廳同知有廉能稱為
人孝友才優學富

蒲季鄂字俊皆嘉慶庚午副貢為人樸誠溫厚與人無
忤持己教人以根柢之學為先課徒數十年成就甚

衆

譚昌言嘉慶癸酉解元學問精深孝行純篤兼精岐黃術

馬百度字振齋道光乙酉舉人事嗣母孝主講河津西河及本州書院從學甚衆率皆成名

董雯字漢章號小癡城內禮賢坊人家貧少孤大父以家計艱難使別謀生業雯跪請至誠願負薪授學晝則登山樵採夜則篝燈苦讀無間寒暑童子試冠軍迄大父棄養事母至孝依依膝下出入必稟命道光

壬辰欲赴省應試苦無川資太夫人脫簪珥助路費
即命就道幸一試即中少慰母心迨春闈不第後以
母老子幼無意仕進設教於宅之東偏四方從學者
甚衆詩賦文章經其指授無不成名著有劍南屋下
屋稿為試帖正宗性嚴正雖終身老教徒而取與一
毫不苟同治初捻匪之亂擾及垣曲聞喜縣城戒嚴
州尊堅請暫輟教徒擢辦城守事宜更任勞任怨晝
夜巡防不遺餘力事訖州尊委辦地方公務力辭不
應專以經史教學自娛蔬食布衣芸窗攻苦無異寒

素時晚好易占卜無不奇中又工書一時碑版多出
其手同時有孫成章衛瞻淇李煥霞皆工書今吾邑
流傳數人字最多

王貽塾字選初道光乙酉舉人王朴六世孫家貧事親
孝鄉薦後主講邠陽士子皆稱之

趙逢彩字霞廷貢生性至孝宅心仁厚家居授徒以讀
書勵品為先村人有盜禾者見之贈以囊穗遣歸令
改行終身不使人知或誣以宿債五十金認不與較
鄰人証其誣事乃白仍贈麥一斛曰憐其貧也鄉人

至今稱之謂有陳寔直不疑之風云

陳鼎隆字子扛號黃實舉人賦性沉默簡潔樸誠為朝
邑闔文介公所深器教授生徒以品行為先學問次
之課暇必語諸生以先賢格言四方來學者日益衆
主講王官十餘年多所成就解州虞鄉永濟各縣志
及一時碑誌皆出其手

王象曾字沂志同治癸酉拔貢生文章詩賦冠絕一時
書法逼近褚王地理考據尤稱精博時闔文介公主
講解梁書院命其子迺竹受學期以遠到之器後病

瘋癩自戕其生聞者惋惜嘗作丁戌荒年七歌膾炙
人口其六歌曰南有田兮田已荒道殣相望一何傷
髑髏徧地問無主白骨如土飽豺狼寒鴟仰嚇啄人
腸銜飛上掛枯樹傍嗚呼六歌兮歌正長鬼將求食
返故鄉其七歌曰人情日險干天怒焉能忍與此終
古皇帝今下罪己詔詔下賑濟恩更溥儒生恨無讀
命田願留召父與杜母嗚呼七歌兮情終曲仰視皇
天祝雨粟二詩寫出荒年事實

高邦俊字仲章副貢生授靈石縣教諭素行端謹博學

能文尤工詩人多傳誦之

上官賢王馬村人歲貢學宗孔孟講道務求實踐尤以
倫常為重為人樸實篤謹口無妄言訓徒多年和藹
善誘成就頗多士論重之

郭鳳翰歲貢生文學優長論說一宗洛閩講求性命之
理不尚空談人稱為道學正派

曲春晉字澤周侯村人生七歲醇謹如成人弱冠入邑
庠有聲黌序食廩餼鄉試累薦不售以恩貢就州判
職好讀書手不釋卷教子弟研究古學不屑屑以帖

括文章取功名又精醫理問病者日盈門無貴賤遠
近悉診治不憚勞一日有優伶叩門求治衆以其賤
也不為之通君出門見之即為之理脈治方謂人曰
彼自操業賤耳亦人也我為之治病非與之訂交何
嫌焉理村政多年以和睦鄉黨為宗旨鄉人每有爭
訟經君勸解各歡而去兼善醫故偶出門婦孺皆攀
轅歡迎以長子迺銳官誥封奉政大夫惜未登上壽
年僅五旬有四而卒遠近聞者皆惋惜殯時會葬者
多不遠數里數十里而來蓋皆嘗受其醫治而拳拳

念盛德之不能忘也生子二長迺銳舉人亦精醫學
次迺鈞庠生均學博品優人以為家學淵源云

民國

劉傳經字黎卿前清舉人任靈石縣訓導博學能文尤
工書法任省立第二師範教員染疾即解職家居讀
書非公事未嘗一入公門其志趣高尚士論重之

曲迺鈞字次徐文儒澤周公次子生而穎異敦謹孝友
少其兄迺銳十五歲兄教之成立經史文章均有師
承書法尤卓絕童子試冠軍科舉停後省城師範體

育專科畢業歷充第二師範中學各教職員民國二
年解學校職遊歷各省後主講私塾從學者日衆類
多學堂畢業而願受中學者七年冬兄因其體弱多
病亟令解館諸生依戀不去兄乃為之代庖欲其靜
心養病也時縣知事徐公聘其兄修縣志兄老不欲
應數勸兄且允助其分纂乃屬稿無多日偶感時疫
醫治罔效竟溘然長逝時年四十一士林惜之其兄
泣謂人曰余弟死余哭之痛余兄弟友愛之篤四十
餘年無間言此猶其小小者余弟人品學問洵堪矜

式多士余老矣當茲學說橫流之日尚望吾弟主持
中學之傳使後生小子多所取法今已矣此吾一邑
斯文關係非僅一家一人之私悲也聞者莫不謂然
著有歸來日記十餘冊遊歷各省歸三四年所成者
皆自敘其學說斐然可觀

論曰世多分才與學為兩事謂有才而學可不力
無才雖力學亦不能有成此後世苟且之學適足
為庸懦無志者所藉口聖人好古敏求猶不敢以
生知自任况才不逮聖人什伯千萬者乎人第見

淹雅宏通於書無所不讀動謂其才之過人而不
知雪窗螢火雨夜雞鳴研窮玩索之苦有積之數
年或數十年而後能得者豈浮才小智一知半解
所能望其成名乎諸葛武侯嘗曰非學無以廣才
是知有學而無才學之深者才自出有才而無學
才終為人所累矧無學而又無才耶景仰前徽其
學問足以濟時其文章足以名世流風未泯我後
人當有見賢思齊之心焉慎勿謂高才絕學非後
人所能企及也

孝義傳

一鄉之善士君子取焉或一事可師或一節可表
宗族稱孝鄉黨稱弟其傑然特出之概足以勵澆
俗而敦古道當時稱頌弗衰後世婦孺歌詠猶能
感泣而言其事則聞其風而興起薰其德而良善
者當有人焉國家表彰忠義孝弟舉一勸百也作
孝義傳

南北朝

裴讓之字士禮侘子年十六喪父殆不勝哀其母辛氏

泣撫之曰棄我滅性得為孝乎由是節哀自勉好學
能詩文舉秀才對策高第武定累遷屯田郎中

裴訥之佗五子純謹有局量為北齊平原開府掌書記
從至并州日思其母心驚動請急還母方病心痛人
咸以為孝感

隋

柳雅亮字信誠檜子檜為衆寶所害雅亮年十四哀毀
過禮陰有復讎之志武帝時衆寶率其部歸長安帝
待之甚厚雅亮手斬衆寶於城中請罪帝特原之後

累遷內史中大夫賜爵汝陽縣子隋初拜尚書考功
侍郎遷給事黃門侍郎尚書省奏事多所駁正俄檢
校太子左庶子進爵伯出為秦州總管府司馬領山
南道行臺左丞卒子贊嗣

唐

羅道琮字允之虞鄉人勤於學業慷慨有節義貞觀末
上書忤旨配流嶺表時有同被流者病死荆襄曾囑
負骨歸里及赦還屬霖潦不得殯所道琮設祭慟哭
水忽沸涌又祝之再沸得其處銘誌可驗遂負之還

鄉後以明經登第高宗末官至太學博士

張琇父審素以雋州都督被誣為御史楊汪所誅琇徙
嶺南久之逃還殺汪於都城繫表於斧以訴父寃吏
捕以聞張九齡欲活之明皇謂孝子不顧命殺之可
成其志臨刑顏色自如曰下見先人夫復何恨

宋

董孝章真宗時人十世同居見大明一統志

婁應字循之少負智勇尚氣節祖興起家於解不數年
遂致富盛元豐間虜屢犯邊朝廷命將出師應為解

戶籍首計家產過一縣之多科率比他處三倍應以
罄產為誓逮邊事少靖產已隨余蕩八九未嘗有纖毫
介意復自發憤整理家業不數年十倍於前會納粟
以贍邊備應輸貲授將作監主簿子三人綬授益州
助教絢應進士舉官修武郎純聰明豁達有父風孫
康慶州助教

明

呂讓永樂間貢生以孝稱

李福榮正統四年以捐賑旌門

楊孝忠辛莊村民正統六年詔富民出粟備荒政孝忠
指囷輸一千四百斛無德色旌為義民州守吳惠立
碑以誌之

張英天順歲貢以孝友稱任兵馬指揮使升淮安府通
判有惠政號張佛居鄉和遜以琴書自娛年八十九
卒子璠以孝聞服父喪泣血十日而卒

馬達字雲路成化十六年貢會甯縣知縣仁慈端潔謝
事歸杜門靜處而已初達父旺代兄戍密雲於戍所
生達逢赦還與長兄選克世其德迄今科第人文為

解望族

閻清字本澄成化二十一年貢肄業太學以思親馳歸
終身不仕

李木字石巖嘉靖間舉人歷戶部郎中鄉人稱其孝友
侯加地字慶余居民子萬曆丁酉舉人辰州府推官調
順天府刑獄稱平生工詩善書尤敦懿行與弟加
乘各輸粟賑宗族時議重之

李在公字魯生邦才子性至孝宗禎癸酉舉人海門知
縣卒於官

李為梗字泰九以父廕歷官南北戶部郎中未幾引疾歸不復仕所居素園三十年絕迹公庭崇禎末加糧徵急有困窶者梗出數百金代為完納歲後散賑施棺諸多善行

趙曙字旭字標長子例貢鴻臚寺序班性行真實事親孝居母喪尤克盡禮又以官生讓李弟晟人多稱之
呂論廩生事母以孝稱

譚應春幼孤力耕事母以孝聞州守魏養蒙表其門
侯大本撫孤賑貧拾遺遺金鄉里稱之又李通亦拾金

不昧

王梅與弟梯同居無間言梅子兆祥梯子兆吉遵家法以友恭稱其後子孫繁衍同爨如故

王家侯庠生明季奇荒捐粟五十餘石貧不能葬者施棺百餘具翰林喬廷桂表其墓

李峨字雲冲學正增長孫萬歷乙酉舉人性孝友祖居田宅悉與弱弟官莒州知州清廉有聲解組歸杜門謝客不與外事

清

劉曰宴諸生事親孝姜瓌之變寇且至依父不去賊歎其孝而釋之比父歿哀慕不忘八載不入私室

楊源澄字湛若順治己丑進士初授益都縣知縣升兵部主事轉郎中補廣東僉事歷官勤慎以勞瘁卒生平天性孝友接物平易喜怒不形於色鄉里稱為長者

馬良順字月天弟良治庠生字驥如事母俱孝尤敦友愛不聽婦言婦有讒間輒互告之婦亦漸化嘗相謂死必同穴既卒家人遵遺囑合葬從其志州守贈匾

旌之

李肅字斗南性孝友喜讀書家無擔石好義不倦州人思之為立義士碑

介錫社字召似號學倉孝壻子康熙辛卯亞魁幼承庭訓學識宏通四上公車不第天性肫摯篤於孝友家故貧慷慨好義州守議建書院願輸百金不自知無以應也長子玉濤歷任劇邑著有循聲次玉澤為名諸生皆素秉義方云

趙昕運庠生富而好禮施濟不倦生七子俱嗣書香登

科第

張文驥字龍光明隆慶舉人張克明之曾孫官縣丞慷慨好義人多感之

王善繼字繩先明贈光祿國訓曾孫以廩貢授潞安府司訓尋以病歸居王官谷數十年未入公門好義樂施多所賑恤乾隆乙巳歲荒散粟百餘石以周貧乏嘗捐修祠宇助建解梁書院設義學置田以供膏火閭里欽服舉鄉飲大賓子天福天祿俱庠生

王肫字仁齋例貢居鄉寬厚遇族黨婚葬事輒濟其匱

乏乾隆十三年大饑盡出積粟保全鄰里

史恂字孚中歲貢任蒲縣訓導事繼母孝友愛異母弟
弟早卒撫遺孤如己出祖業盡歸之舌耕自給取與
不苟粹然古道君子也

侯永衍字綿公乾隆六年貢孝友克敦取與不苟為諸
生三舉優行撫孤姪皆克成立造就後學七十餘人
皆彬彬向儒雅及歿門人立碑追慕之

李霖字石菴臨高知縣繩祖長子性至孝年十七隨父
任左右劬勩多所裨益父卒於官踰山渡海扶柩歸

里弟霽候選縣丞慷慨好義倡議請建州中式院士
咸德之

董其鈿庠生事親孝父母歿後遊學河南逢令節徒步
數百里必歸省墳墓至老不衰課徒以誠嘗云言教
不如身教遊其門者卒多成就陝州人士咸思其德
立碑追慕歲時致祭云

陳居仁家貧負擔為業事親孝雖菽水必盡歡父嗜酒
日進杖頭以資其飲父性褊急酒後或怒答之跪受
不敢辭與弟居信友愛極篤目不識丁恂恂雅讓如

諸生人呼陳孝子

張士彥力學敦行早卒弟士品性敦樸務耕讀撫孤姪
廷璽登賢書州人舉鄉飲辭不就以老農終鄉里學
問之士見之皆折服焉古之修天爵者也

范秉正性孝友置義田贖孤姪還遺金州守表其門

杜克勤勤儉起家喜施予康熙六十年出粟四十石以
賙鄰里子于泗于漳克繼前美值歲歉散麥貸穀無
吝色

孫雲鶴增生幼孤奉母至孝母目盲百方醫治數年後

復明以上壽終人稱孝感又呼賑恤州尉江歿無棺
殮鶴為之營喪助以衣衾有夢中拜謝之異

副貢李廷標生員張煊李希晟雷時呂叶宮雷恒呂叶
商王建興王建盛蘇培湛歲貢李智俱以孝友稱

生員姚受是貢生馬猶彪生員劉百孝監生胡吉相張
成範高好謙李紆賈士英俱以好義著

李鳴璋性孝友年十二即自力田事母撫弟弟暱匪嚴
飭之弟遂讐璋璋恐傷母意誓不讐弟及弟死代為
輸逋仲兄遭訟璋復鬻產以濟之居母喪悲痛成疾

乾隆四年州守欲旌其門璋力辭不受

劉雲顯行端好施鄉民失糧鋤欲自盡雲顯細詢其數
貸以己金有貧人鬻女出資贖回且給以粟年八十
無疾卒

耿復恭五世同居學使州守並表其門

雷潛敦本好義尤重學務有典地四十餘畝價值四百
餘金臨終命子貢生傳道捐入解梁書院為諸生膏
火資

曹淵深事繼母闔如所生闔病癱目盲淵深晝夜扶持

躬侍溲溺無倦色

霍重光候選經歷賦性忠厚康熙五十二年歲歉散穀百餘石以賑鄰里

馬詒端字正叔廩貢生躬行純篤遠近皆稱馬善人親有疾輒廢寢食憂形於色親族子弟有可造者必資以膏火勗令讀書每歲歉糶粟減市價數倍其無力償價者即解囊與之無德色生平和藹近人口無訾言嘗有無賴子登門辱罵閉門不與之較又餽以茶飯其人感泣跪門求見因勸以善遂自此改行其感

德感人類如此

李應選字少青號西霖乾隆間歲貢品學兼優著有西霖講義待梓母年八旬餘選曲盡孝道有老萊子斑衣歡舞之意能令母樂而忘老親族有告貸者量力周恤不虛所請亦不責其償還士論重之

馬凌雲字太冲乾隆丙午舉人江西安遠縣知縣歷署都昌萍鄉玉山等縣升九江府同知所至有政聲每去任百姓攀轅遮道祖踐至數十里微時事繼母以孝聞領鄉薦後因父病留心岐黃號稱國手又捐資

施藥數十年不懈鄉里稱之

孫大發字祥山雲鶴孫乾隆間歲貢己酉欽賜副榜事
繼母至孝母嘗語人曰大發事我非我親生子所能
及我亦不以異腹兒看待處諸弟多推讓然稍有不
法督課甚嚴勵學敦行聞望重於一時遠近從學者
咸以理學目之

趙冬旦字呂曦嘉慶戊午舉人多善行親族貧乏嘗以
館金周之主講書院門徒多顯達次孫德輶登科第
成顯宦誌贈光祿大夫

王彝棟字國輔家素貧品概孤高輕財重義每以館金
恤親族好讀書不求科第人有勸之者答曰我無濟
時才作老博士優游泉石我之分也

李廷模字範林性至孝母歿伐木山中為槨具值暴雨
山水陡發滄水中踰時水落安然無恙此所謂孝弟
之至通於神明

侯王臣太學生好義樂施歲荒聚鄉里饑民計口授粟
不責償村南有東西通衢窪下而狹不容雙軌行者
苦之特買地以擴其道衆為之立石頌德焉

角身
侯志公字廓如太學生慷慨好義常為貧人代輸倉穀
又施義學地十畝以勸後進州守旌其門村人立石
誌其惠

馬鍾冀字羣伯增生廩貢詔端孫少孤事母至孝嘗冀
以候母病聞者以為今之黔婁俞學使知其賢以珪
璧自愛閭里堪師八字獎之

李養生監生拾祁縣人數十金訪還故主先是其祖拾
金不昧失金者因送義繩祖武四字匾額以頌美之
劉希周字辰臣羣生性孝友好義樂施歲歉散粟濟貧

全活甚衆

張守謙量能容物鄉里稱善嘗有盜損其塋樹遇之盜
慚懼長跪哀請遽縱歸餽以炭盜由是改行

扈夢麟嘗夜得一騾負行李甚重並數百金次日坐官
道口訪之其人至詰其物數皆符悉與之後失主為
懸路不拾遺匾額

孫輝澤字百光致祥子事親孝立品端最喜為人解紛
賠墊貲財無少顧惜

劉鳳池庠生品行端正有義氣嘗赴鄉試途中遇友病

劇遂留止之延醫調治及友愈三場已罷矣池坦然
不措意

曲賡載字拜颺郡庠生存心慈祥好施不求報行文古
老酷肖其人嗜學問薄功名為子孫延名師專心課
讀平居寡言語而講解經史不厭其詳尤善掖誘後
進親友中讀書子弟胥就正焉輕財重義出資以調
恤親族鄉里殆無虛日每值歲歉必解囊助賑當道
成年間家境殷實同邑借貸者未可以數計無不如
願以償未嘗稍拂其意晚年益重施濟愛人如己一

日翻閱家中契券慨然曰此非善物留之適以分子
孫之聰明而長其傲慢耳因檢其中之家貧子幼鰥
寡可憐者數十紙悉焚燬之適幼孫在側曰焚則全
焚留半何為公語之曰仁者愛人以德吾即願與不
當使人有負債不還之名留此待彼自為歸結也若
終無力償還則自成廢紙異日汝等焚之未晚也公
淡私欲故能享高年壽至七旬有八生三子俱入郡
庠長春光名賢有傳次春普文儒有傳次春照早卒
有孫五長迺釗次迺銳均舉人次迺鐸次迺鏞次迺

角身三言
卷之八
三十一
國之存亡
鈞均庠生以孫迺銳官貶封奉政大夫咸謂積德之
報云

曲賡歌字善齋郡庠生績學能文工詩詞生平題詠甚
多性坦易輒不留稿惟里中碑碣所刻者尚存中年
無志進取專理家政村政善為人排難解紛嘗在社
廟勸鄉人曰衙門非莊農人所可入耗財結怨猶其
小者往往一案拖累或數十日或數月不解廢時失
業田園荒蕪一家或受饑寒每見有因訟敗家者可
為殷鑒人服從之故公辦理村政多年村人無興訟

者生子三長春風次春第次春泰春泰於咸豐二年
殉難武昌前志有傳公以春泰官誥封武德騎尉當
春泰之殉難也命長子春風赴武昌取其柩時武昌
初克復賊氛滿路春風往返數千里屢與賊遇幾瀕
於死幸能千山萬水三柩安歸回春泰之忠魂當有
神靈呵護亦春風友愛之篤所以能遇險而平也春
風老諸生潦倒場屋不得志而卒春第武庠生

侯德峻候銓州吏自幼而失恃稍長遊廣文董瑞圭先
生門下研精性理不屑屑於帖括學侍父疾躬親湯

藥不就寢者年餘父歿哀痛絕粒數日事繼母王太孺人尤能默體親心弟德懋王太孺人出患瘋癩不遠數百里為之延醫弟病果愈生子二長文炳次文治嘗訓之曰吾家累代任宦科第人稱望族然世世相承要當以孝友二字為傳家之道親族中有貧乏者輒調濟之未嘗取償值光緒丁丑歲奇荒出粟四十石銀三百六十兩輸之官局以助賑此後家境窘迫日甚一日明年戊寅旱益甚道殣相望米如珠貴泣謂人曰吾資竭矣不惟無以療鄉梓之饑並吾家

人亦不能自給奈何由此積憂成疾十餘日竟捐館鄉人士至今猶嘖嘖稱道焉

王士鈺字爾音黃花峪人生有至性父病瀉遺矢被褥用手掬其穢頃刻不離側湯藥必親嘗衣不解帶者百餘日母晚年失明艱於行步出入必親扶持十餘年無稍怠胞兄士鐸出繼後家道拮据與水田十餘畝立書讓字一紙俾後人永不准收回光緒丁戌歲大祲家無積粟輒減食以分族人生平忠厚待人勤儉持己鄉人士至今猶嘖嘖稱焉

孫鍾岐禮賢坊人事父母至孝凡事無不先意承志曲體親心無兄弟祇胞姊一父母甚鍾愛之適運城王氏生二女一子而夫亡時姊年二十餘家貧子幼不能自存岐乃商承父母迎取來家並教養其子女妻侯氏亦賢與寡姊相友愛衣食與共操作與商相處二十餘年無間言甚得父母歡心迨二女遣嫁又為其子娶婦姊乃歸遂成家焉母病癱延醫調藥經年不愈遂發奮攻外科書兼習本草內經按方調治不逾月而母病愈遠近聞其名求醫者絡繹門巷無論

富貴貧賤均施治無一毫名利心後遂以醫術行世
有神醫之目頻年施藥不取分文即一區一聯悉却
之弗納承先志也子靜淵孫晉陞晉陞相繼成名一
家雍睦人皆稱孝友家風云

王邦義字宜之西王村人生有至性家貧不能給經商
於陝右朝邑縣遇窮困者輒周恤之無吝色值同治
初元回匪倡亂逃難者無慮數千人麇集河干欲東
渡時防河軍官拘船東岸義乃白當事者曰朝廷發
兵以救民也今難民數千不得渡匪至悉蠹沙矣恐

非朝廷愛民之意請速開渡每船需錢多少某自任
之當事者重其義允之義乃按船給價又為之指揮
扶持立河干者三晝夜全活難民甚衆由此積勞成
疾於同治二年沒於朝邑喪歸之日哭泣走送者滿
河岸焚鏹灰盈數尺至今鄉人稱頌不忘其子林昌
光緒乙酉科舉於鄉僉以為盛德之報云

張書孝字友于羅又村人至性過人兄早卒遺一姪孝
視之過於己子光緒初歲大饑家中食指繁多勢不
能兼顧乃舍子媳而存其姪以延兄嗣人方之鄧伯

道云

蔡凝福字海如歲貢生學博品端事父母至孝復精岐黃術嘗手抄醫書數十卷無不神而明之診疾不拘古方然多奇效活人甚衆與弟凝祉相友愛終身無間言

王有元字冠三張瑣村人性篤實口無妄言當光緒丁戊間地方大祲賑務殷繁君時家道小康州尊馬玉帥委以運糧差使星夜跋涉不憚勞苦車馬費用分文不取在村散糧給米饑者賴以存活故玉帥贈以

文獻舊澤區以其為太原舊族也生子二長應龍次
應鐸均庠生

侯效謙南莊村人南莊侯氏為邑之望族科第聯翩書
香不絕至效謙家道中落力農養親丁丑歲饑父建
元幫辦賑務村某有憾於建元誣以舞弊教唆村衆
使與為難聚集數百人勢甚洶洶君挺身獨往村衆
辟易以救父難旋本邑清丈田畝君以明算與其事
釐剔積弊甚多善謀生由力田而家室豐遂乃賓禮
師儒教課子弟向文學子相禹邑庠生為當世知名

之士

高崑玉字蘊輝西王村人由附監納捐進士使衛成豐
間舉孝廉方正生有至性幼嗣亡叔東翁公後事嗣
母至孝居平以廉介自持讀書而外無他好嘗應鄉
試道遇朱姓者行李遺失坐因中途乃解衣推食並
助以資同行赴省朱以是科中式備物稱謝固辭不
受訂交而去族人子高啟瑞以父死非命訟高友仁
高得正於法庭罪以流徒迨罪滿釋歸族人子仍以
父仇故日懷利刃圖報之公邀之至家曉以刑律譬

以因果並助之多金使遠出貿易仇遂解公立身處
家各有法度婚姻喪祭一遵文公家禮族中有兄弟
不睦者為之多方勸諭以調解之嘗訓諸子曰聰明
不經歷練每多歧誤然歷練亦分邪正正則為德慧
智術邪則為機械變詐也其子若孫均能秉承家教
世世不絕云

李修德字省齋由增貢納捐同知分發陝西光緒四年
署寧羗州創建北關玉帶河鐵索橋行人永賴七年
署孝義同知十年署渭南十三年署葭州所到之處

勸學課農視民事如家事晚年家居以州人士來城
應試僦屋多艱乃於試院西偏創建試館築房六十
餘間為寒士寓舍正室三楹供設倉頡神位人故呼
之曰倉聖廟云停考後改建模範學校又捐地十餘
畝於解梁書院以助肄業生膏火今已劃歸學款城
南二十里嶺山路崎嶇行人困苦乃於嶺下建茶房
一處為往來憩息之所行人稱便其樂善好施多類
此子光祖字錢甫由附貢生捐知縣歸陝候補歷署
褒城中部等縣事所至有聲人謂克紹父風云

李進中光緒十五年武舉少時家貧隨其父貿易於陝
回匪倡亂焚燬鋪房父子不相見者數日君冒鋒鏑
越賊營號泣尋父得之於半山石穴中父驚且餓不
能行乃負之奔逃遇賊且鬪且走卒免於難後在陝
州會興鎮經營商業頗有餘資光緒庚子歲饑族人
有李進福者一家十餘口君給之錢米賴以全活時
該鎮修築堡寨陝州牧鹿瀛夙聞君名延為工程總
理事竣贈百金為車馬費固辭不受鹿為之勒石以
頌其美

薛庚字有驗生而穎異讀書輒解大意入郡庠習舉子
業屢薦未售以身體羸弱兼病失血懈進取志閉戶
間居手抄本草綱目藥性賦等書病漸痊生平勤於
公務光緒初年從事清文局兩歷寒暑朝出暮歸無
倦志建築同善義倉經理工程事悉得其當又精堪
輿學有問者無不悉心指示之凡衙署大廟常平同
善各倉興土木時皆為之諏吉擇時一時官紳咸倚
重焉

閩庭蘭赤社村人慈祥敦樸出自性成與鄉人居無論

老幼親疏悉以至誠待之生平無口角爭見子弟之
非為者和顏悅色循循開導從則喜不從亦不加怒
過時復開導常有子弟厭煩而詬誶之亦不嫌焉所
謂口無擇言身無擇行古道君子也州牧徐麗生重
其人特舉行鄉飲酒禮推為大賓並製匾額旌其門
鄉里榮之

民國

李興雨莘村人清監生好義樂施村中原有義塾一區
以學款無多行將就廢乃捐地四十八畝歸入義塾

為貧寒子弟就學之資嗣改國民學校仍充校費造
就益宏識者重之

王宓字靜菴清附生讀書有大志由本省高等警務學
校卒業任省垣第一區巡探員改委芮城警務長民
國初調臨晉警務長時當變亂以保衛地方為己任
旋以土匪薄城下率巡警民團百餘人晝夜防禦乃
眾寡不敵城破被執遂遇害於縣署門前至死罵賊
不絕口時年三十三歲

馬呈騏者字周卿縣之下張耿村人也素業農不好務

飾幼失父母與叔父同居不數年叔亦辭世對於堂
弟友愛如親弟食則同桌眠則同床數十年間如一
日人稱之為難兄難弟蓋其孝友出於性成者然也
後恤鄰里舉為里正每遇入城辦公從不費里下一
文錢遇里人有訟事急出而和解之性好施窮人借
貸者必量力以給亦不望其償還是以光緒三十年
壽誕之日合村人頌牌曰齒德兼優合里頌牌曰耆
英共仰親友又作壽屏以賀之其行義蓋可風矣

論曰見義不為謂之無勇可知勇於為義者當世

亦不數數覲其有儒服儒冠口道先王而於義之
當為者不惟推委退縮身不自任或不免有沮抑
阻撓之處及一鄉愚見之反邁往直前蹈白刃赴
湯火而不顧蓋發於心之所不容已奇節畸行往
往泣風雨而動鬼神人第見萬難而不能為者而
一身且優為之何也所欲有甚於生所惡有甚於
死惟義所在生死輕焉而稍雜一好名之心即出
於人欲之私非至性至情之正然論人於古恐其
好名而論人於今又恐其不好名蓋好名而為善

固非真善猶勝夫肆然為惡臭名千古在己為蛇
為蠍而人亦遭其毒螫也近世學說日非人心日
壞國家無真賞罰草野無公是非清議衰而風俗
壞不孝不義者多矣深願當世諸君子以敦品勵
行為先庶幾風行草偃收廉頑立懦之效也歟

解縣志卷之八

士女傳

淑女賢媛身德出衆而號稱閨秀者求之一世不
概見况一鄉一邑之間乎下此孤孀貧嫠茹苦含
辛綠慘紅銷卓爾青春矢志風悲雨泣皎然白首
完貞迹其生平苦節雖匹婦而有士大夫之行者
扶持世教聖人以為難往往出於弱女子其貞魂
烈魄足以貫日星而格金石忍令其湮沒不彰乎

作士女傳

宋

柳世隆妻閻氏世隆應宋明帝為孔道存所敗眾散逃
隱道存購之甚急軍人有貌相似者斬送之時閻氏
與世隆母郭氏並繫襄陽獄道存以送首示之郭氏
見首悲情小歇而閻氏號叫方甚竊謂郭曰今見不
悲為所覺惟當大慟以滅之世隆竟免

隋

蘭陵公主字阿五文帝第五女也適河東柳述時年十
六事舅姑甚謹遇疾必親奉湯藥帝聞之大悅由是

述漸見寵遇及帝召太子勇晉王矯詔執述繫獄文
帝崩述徙領表煬帝令與述離絕將改嫁之公主以
死自誓不復朝謁表求免主號與述同徙帝大怒曰
天下豈無男子欲與述同徙耶主曰先帝以妾適柳
家今其有罪妾當從坐帝不悅主憂憤卒時年三十
二臨終上表云生不得從夫死乞葬柳氏帝覽表愈
怒竟葬主於洪瀆川資送甚薄朝野傷之

襄城王楊恪妃柳氏循州刺史柳旦女姿貌端麗年十
餘以良家子合相聘為妃未幾恪被廢妃修婦道事

解縣志書 卷之八
之愈敬煬帝嗣位復徙邊令使者殺恪於道與妃訣
妃曰若王死妾誓不獨生於是相對慟哭恪死棺斂
訖妃謂使者曰妾誓與楊氏同穴若身死得不別埋
君之惠也遂撫棺號慟自經而卒見者莫不流涕

裴倫妻柳氏倫為渭源令大業末遭薛舉之亂城陷氏
義不受辱同二女投井死

唐

裴淑英裴矩之女適李德武踰年德武坐事徙嶺南矩
上表離婚德武亦謂淑英曰我無還理汝必配他族

淑英曰夫天也而可背乎願死無他志因操刀欲自
割保者禁之弗得自是貌日瘁後十餘年矩潛許嫁
柳植淑英聞之斷髮不食矩不能奪比赦還夫婦如
初新唐書有傳

柳仲郢母韓氏僕射皋之女也適兵部尚書柳公綽善
訓子仲郢幼而嗜學嘗和熊膽丸使夜咀嚼以助勤
苦

明

張清妻馬氏永樂間太宗北征清隨軍運糧卒於漢北

馬年二十七或憐其貧令改適氏不從紡績養舅姑
撫二女適人壽八十有三卒

費旺母楊氏夫亡兄受人財強再嫁氏矢節寧受苦不
從

張瑞妻劉氏年十九夫亡有遺娠越五月生子良食貧
撫孤艱辛萬狀六十餘歲卒

王進妻張氏年十六夫亡撫遺腹子永昭矢志守節孝
養舅姑始終如一鄉黨稱之

譚廷誥妻邱氏年十九夫故子應春甫歲餘氏守志撫

孤備嘗艱苦應春能自立事母以孝聞司理黃希周
贈以詩曰孤貞耿耿金石烈勁節亭亭星斗寒州守
樊問仁為刊詩墓碑

生員李大芳妻程氏刑部郎中鵬之女也幼聰慧嗜讀
書長適大芳年二十三而寡撫遺腹子椿亭為德望
士椿亭卒諸孫皆幼氏口授經書從師講學考校勤
惰卒造有成氏解琴夫亡終身不再鼓

生員耿四目妻張氏夫亡姑憐其少令他適氏佯順姑
意曰母老且病子既不存婦當代養俟母百年後嫁

未晚也年餘姑卒紡績自給堅守以終

生員李瑾妻張氏

解謙妻趙氏

馬秉德妻張氏

生員高盛妻尚氏

馬健妻樊氏

生員史鵬妻高氏

生員辰觀妻某氏

李海妻郭氏

生員楊泰妻耿氏

李成妻衛氏

范嚴妻郭氏

郭濟妻馬氏

張學妻相氏

樊景妻李氏

喬政妻衛氏

趙豹妻王氏

生員張徽妻胡氏

裴學妻邱氏

主簿焦孟正妻董氏

孫膺寵妻侯氏

李文輝妻劉氏

清

生員柳星妻邱氏順治己丑姜逆之變賊入柳室夫婦

同投拷掠索金帛氏給賊曰有衣飾埋井旁窖中可
同取免死賊信之既至其地又給賊曰可暫寬我夫
我則不能飛去也夫得脫急攜幼女投井中死

生員李宗高妻王氏于歸數月宗高省父維揚卒氏年

甫十六哀慟幾絕撫姪曠嗣夫後服縞茹素足不踰
闔內外吉凶事一不與或慰之答曰我神死久矣勉
留形氣保孤耳十餘年曠冠將議婚而氏疾力疾完
姻曰吾今可以見吾夫矣旬日而卒

知縣李應高側室張氏知書法通女孝經為女時荒年
自鬻以活父母應高死誓殉家人防之遂不言忽於
葬應高之前自經州守萬象旌之江閩為之立傳

生員楊若彝妻馬氏年二十五夫亡撫子鳳娶婦游庠
尋亦夫媳魚氏共姑守志兩世苦節終始弗渝

生員呂周佐妻畢氏守志撫孤子帝簡妻王氏殉夫死
節當時咸加旌獎

生員姜任周妻李氏年十九夫亡姑育子在抱己且姜
逆之變奉姑攜子遷徙無常於流離患難中事姑無
失禮周牧旌其閭

生員介孝珪妻辰氏年十九夫亡子倜幼孤邁疾醫藥
罔效氏素禮大士像恍聞告語曰非腕肉莫療氏即
割一鬻進姑病尋愈學使李觀旌曰盡孝完貞

李順妻任氏順愚貧無寸土會歲凶姑謂氏曰我母子

固即死累汝何為汝宜自為計氏哭曰餓死命也甯
在一處死耳掃蕪藜刮樹皮且為富家傭女工與之
食必懷以遺姑雖饑不忍食也姑近八旬患癱瘓氏
進飲食侍浣溺晨夕無間姑歿將葬會霖雨氏率夫
跪泥淖中哭告鄉里人感其孝咸為之助頃刻成墳
高淑元妻尚氏年十五于歸十六夫亡無子女舅姑相
繼卽世氏代夫終喪誓死守志氏未讀詩書節烈性
成其父固庠生也嘗以古烈女相勗父以為難氏以
為易蓋其志素所蓄也

楊文煜妻王氏年十八夫亡子大材未週歲上事翁姑
無失禮撫子成立子又夭折氏同媳李氏共矢清操
撫育弱孫食貧居苦鄉里以為難

張永福妻劉氏張永壽妻王氏張永喜妻耿氏一門三
節俱享遐齡州守彭洙獎以匾劉曰真操首榜王曰
節映後先耿曰婺曜參光

衛紹康妻馬氏弟繩康妻張氏一門雙節又生員李耀
妻介氏與弟李曠妻馬氏生員李琮妻王氏與弟李
珣妻趙氏生員姜惠春妻李氏與弟姜哲春妻高氏

妯娌俱秉貞操

生員介燕慄妻李氏舉人李雲棟姊也性貞靜適燕慄
生一女夫亡哀痛幾死者屢或勸曰不顧汝女乎此
若夫所遺也氏飲泣撫女不出閨門者十餘年及女
嫁密以線衣裙懷石投井死

生貞侯永徵妻相氏舉人侯戴經之母貧無立錫苦節
自勵老婢羅氏感其誠負薪操作相依為命人尤難
之

生員王傳鑑妻蒲氏年二十餘夫亡彌月生子胎墮家

貧如洗撫養無資氏織紡自給備嘗艱苦訓子有義
方胎壘生子二與次子連登賢書氏享壽八十餘人
以為苦節之報

恩翰林馬見龍妻樊氏貞靜和平勤儉治家待前子如
己出奴婢有過不動聲色鄉里賢之

趙懷璧妻楊氏賢孝過人夫以商致富氏常周恤鄰里
夫亡後道光間兩次歲饑出粟數十石散給村人無
德色子五皆教之讀督課甚嚴後相繼入泮

耿文學妻姚氏年二十一夫亡矢志靡他越數年遭大

稜度用不給鄰里有以改嫁勸者氏不從姑欲強之
氏投井死

附貢生馬維城妻張氏事姑孝相夫賢夫及姑亡後數
十年凡時物初生未經貢獻決不入口視親族如一
家人有負己者以為必己有不到處嘗教子孫曰說
人不好便是自己不好被人說不好總是有不好處
年八十一卒鄉里稱之

閩體乾妻李氏家素貧自安寒苦不乞人憐事翁姑孝
夫亡後訓子有方值歲大稜饑民搶掠求食戒其子

曰甯死無隨人作賊次年歲益歉氏乘其子他出服毒卒聞者悲之

李蔚枝妻潘氏年二十夫亡事翁姑最孝茹荼飯菜養葬悉盡力歲大祲數日不食親戚有餽以食者氏辭曰數年前翁姑棄世即我當死時也今不死何待遂不食卒

耿潮栢妻喬氏年二十七夫亡無子夫兄潮樑亦無子氏變己產助夫兄納妾後樑妻妾各產一男氏撫庶出者為嗣教養成立村里賢之

武進士曲春泰繼妻侯氏夫官湖廣督標都司咸豐二
年髮逆陷武昌春泰死之氏託夫尸於其兄曰死稍
緩必遭賊辱急自縊

沈馬村趙希元妻相氏衛褚村相安順之女生員趙棟
材之伯母也年二十六夫亡遺一女既嫁而夫氏事
翁姑克盡孝道撫姪猶子待娣若妹四十年清操苦
節誠閨門中之賢媛也

朱小張村朱慎言妻王氏年二十三歲夫適外而亡遺
一子氏性情溫和憂戚不形於色家道拮据生計艱

難晝織夜紡奉事翁姑年七十有九而卒

羅义村侯班聯妻許氏年二十二歲夫亡遺子向林一歲家貧如洗氏立志守節日夜紡織教子成立年七十一歲而卒

長江府村李春風妻楊氏十八歲夫亡撫姪光普一歲為己子立志守節卒年八十有二

長江府村李世貞妻李氏二十五歲夫亡姑老子幼仰事俯蓄一出於氏孀居三十餘年人無間言卒年六十五歲

下張耿村馬庭銜之妻趙氏年十有八歲而寡所生一子四歲女甫一歲氏立志守節事奉翁姑克盡孝道撫育子女亦不憚煩平日治家最為勤儉然對於鄰里借貸家具物件殊不刻薄是以死之日人無不為之悲悼守節之道蓋無愧焉

城內泰康坊劉毓泰之妻李氏夫亡時氏年二十三歲留有老姑在堂其子憲經年方一歲氏立志撫孤侍姑至孝迨後教子成人鄉里稱善

東曲樊村鞏文煥妻韓氏二十一歲夫亡子女俱無撫

六歲孤姪迨後見孫五十日而姪殞命又與姪媳馬氏共養孫男成立年八十五歲卒

謝家營李春宴妻李氏二十四歲夫亡生子二教訓成人家致小康卒年七十五歲

東曲樊村鞏安當妻馬氏二十二歲夫亡遺子五十日與孀母韓氏立志守節撫養孤兒四歲值清光緒三年奇荒徧地劫掠氏茹苦含辛僅而免死卒年五十九歲

東曲樊村庠生秦光宗妻夏氏二十二歲夫亡子女兩

無警守柏舟之節事奉翁姑極其孝敬撫失恃姪女
無異親出天性幽靜勤於操作處事待人一本謙和
卒年六十九歲

城內鎮山坊馬賢儒妻蔡氏事姑至孝理家勤慎二十
四歲孀居卒年七十歲

城內鎮山坊馬純儒妻王氏事姑訓子禮法兼長二十
五歲孀居卒年六十二歲

張鎖村王育蓮妻胡氏年二十三歲夫亡遺子秉禮四
歲家無中人產氏紡織糊口撫孤成立值光緒三年

歲大祲氏節一日之糧為二日之用粒米寸薪必珍
必戒家人賴以生活後秉禮商於外先氏卒氏雖悲
痛難堪然教撫諸孫仍前不倦蔭長於諸孫中最長
身列膠庠皆氏之力卒年七十有三

社東村段萬祥繼室柳氏年二十二歲夫亡遺子僅彌
月氏立志撫孤事舅姑盡禮待前男如己出舅姑相
繼棄世氏一身理內外事艱苦備至年七十歲卒

廩生李生泉妻王氏年二十夫亡遺子二與孀姑邱氏
教子成立備嘗辛苦卒年八十四歲

衛唐村江如玲妻平氏年二十九歲夫亡氏時方娠姑尚望其生男也已而生女姑益悲氏婉慰曰婦雖不敏亦嘗聞從一而終之義柏舟之節誓當死守姑悲少解姑病四閱月氏朝夕不離左右咸以節孝稱焉社東村張禮成繼室汪氏年二十夫亡越五月生男生計艱難氏謂張門有後誓不他適紡織度日料理家務為子完婚後半載子又歿遺腹得弱孫氏指孫而泣曰強壯者尚早逝如此孩提何日成人耶然氏不改其志竟撫孫成人年六十歲卒

長樂村辰御書兒媳王氏年十七夫亡踰年姑得癱瘓
病足不能履地者十餘年氏事之如一日翁慮老而
無子不克顯揚氏名因娶妾生二子二女撫育成
人氏功居多翁常指其子而言曰汝與爾嫂義雖叔嫂
恩猶母子臨終以杖遺氏書其杖曰以是杖我兒二
子若還不遵爾教須將此杖送於公堂其見重於翁
如此氏之苦節純孝亦可風矣

處士趙殿績妻李氏年二十八夫亡子繼天氏矢志靡
他專以女紅度日越四年逢歲大祲與析居姪媳姚

角集卷之八
氏共爨而居雖時賴大侄棟林贍養仍半食自力侄輩經商豫省督農課讀皆氏自任後侄孫趙琦為當時知名士人多歸功於氏之教卒年八十

西王村庠生李成魁妻趙氏年二十夫亡無子家貧如洗氏晝織夜紡奉養舅姑及舅姑沒後孤居無依寄食於外孫侯文治家數十年

西王村王邦義妻楊氏朝邑楊姓之女舉人林昌之母也年十五適王十七歲生林昌十九歲夫亡攜子歸家茹苦含辛立志守節事諸舅諸姑曲盡孝道雖親

子媳不能過也卒年六十五

王太順妻樊氏年二十八而寡度日無資饑寒交迫氏
日夜勤理家事不憚勞苦當農忙時夜間織紡親喂
牲畜催迫兒孫不許遲起數十年如一日當七十歲
時兒孫滿堂口猶不絕勤苦二字可謂女中丈夫矣
南扶村景永年妻王氏年十九適景永年家貧操計然
術未幾客死他鄉留雙親孤子人勸改適氏曰親老
子幼我何忍離遂立志守節誓死靡他晝則耘鋤夜
則紡績事親撫孤備極辛苦不數年翁姑相繼沒葬

事一身任之卒能教子成立孫一曾孫二玄孫四五
世同堂人以為苦節之報

南營村李為山妻高氏二十七歲夫亡遺子一歲家赤
貧逢歲大祲氏日夜紡織備極苦楚教子成立七十
歲卒

上官庚寅妻馬氏初許親父因夫家貧意欲離婚氏誓
不從父命願食貧居賤適上官後年二十五夫亡孀
居四十餘年閭里無纖芥之議人以節稱

中凹庄村南映昭妻張氏年十九夫亡姑憐其少欲嫁

之氏哭曰母老矣夫又無嗣安忍他適遂撫弟子為
嗣養義女以自娛示無他志茹苦含辛數十年而節
益堅卒能教子成立年七十三歲卒

薛車盤村薛翰華妻南映照之義女也年十七于歸三
年夫亡遺二女氏矢志靡他守節三十年人無間言
其節操可並其母

長樂村處士辰增福繼配劉氏年二十八歲夫亡矢志
守節撫養子女長子八歲次子二歲大女六歲小女
四歲舅早逝姑年高家貧不能度日氏晝織夜紡以

全姑命撫育子女極其辛苦氏明於算術晝間令兒入學讀書夜則教兒學習算法為子女各成配耦光緒丁丑戊寅大稔長子並二女俱亡次子慧善貨殖家道漸裕年六十一歲卒

小曲村處士袁履和妻王氏年二十夫亡舅姑以其妙年恐難堅守苦節而氏日夜酸楚欲殉夫死三年舅姑察其志無他命以夫兄履中次子為嗣自此而後一心撫育嗣子如自己出如是者四十餘年臨歿時孫三人皆已成立論者以為貞賢之報云

南賈村王某之女年未及笄于歸薛門未一年夫亡氏
矢志靡他終守婦道翁出外供教職姑身體孱弱不
能針黹氏代之處妯娌無間言凡厨竈酒食事以身
先之操作甚勤無怨言夫弟嵩齡代山齡憐其苦奉母
命以山齡子士達為嗣氏撫子事姑苦節三十餘年
以終其志

長江府村李丙寅妻王氏子元吉媳苗氏兩世孤孀後
先繼美五年七十二卒苗年八十四卒白首完貞同
登上壽光緒間邑紳保舉節孝奉旨各贈匾額

城內禮賢坊孫誥妻胡氏年十七于歸夫已六十餘數
年夫故氏孑然一身誓不再嫁依胞姪度日早起晚
眠與姪媳共操作不辭勞苦丁丑歲大饑氏盡出其
釵環首飾以保家苦節六十餘年

鄭小莊鄭作明妻介氏年十八夫亡立志守節杜門不
出里人罕識其面撫子成立同治間郡守葉公旌表
其門

增生劉南金妻李氏明敏聰慧賢而有德初適劉夫有
已字姊病輒足疾繼成癱瘓轉展床褥十餘年飲食

便溺皆須人氏事之終無怨言及病沒歸葬其家無人氏夫婦負土成墳人以為難初夫因家貧欲廢讀氏曰因貧不讀不讀未必不貧妾願食蔬茹羹勤紡織以供學費夫聞言奮志讀書卒以成名古有樂羊妻不得專美於前矣

楊門上官氏年十七夫亡子女俱無立志守節事姑恪盡孝道撫養長姪成立不幸長姪復夭喪所留子女皆氏寒衣饑食至於男婚女配人莫不稱其賢德云

魚門馬氏

李鵬翹妻介氏

生員王玉潤繼妻郭氏

費宗耀妻趙氏

蘇友高妻王氏

高獻妻鐵氏

張延妻王氏

王懋功妻劉氏

生員王豐功妻胡氏

生員辰安世母侯氏

序班趙曙妻尚氏

李璘妻楊氏

知縣侯聚母趙氏

王瑄妻張氏

王淑琳妻喬氏

王中生嗣母喬氏

劉明洪妻李氏

貢生李鼎嘉繼妻王氏

趙秉忠妻劉氏

衛褚村某妻李氏

訓導焦植妻侯氏

呂汝翼妻胡氏

王銘妻趙氏

史植妻李氏

貢生董世皞妻李氏

趙欽普妻馮氏

生員張佩豸妻辰氏

李俊升妻郭氏

生員孫呈墀妻董氏

王之鼎妻邱氏

鞏維屏妻王氏

侯僕妻史氏

生員南居恭妻鄭氏

生員趙璨沂妻尚氏

杜作楹繼妻周氏

運庠生高岱山妻姜氏

魚曰典妻侯氏

鄭高繼妻劉氏

趙畏命妻馮氏

楊長生妻許氏

楊蘊美妻靳氏

趙二辰妻張氏

費大明妻劉氏

張為炳妻李氏

相國瓚妻王氏

馬崇慶妻楊氏

蒲奔蒸妻張氏

生員薛奕清母張氏

王省妻張氏

陳國相妻郭氏

雷兆豐妻馮氏

王德修妻劉氏

王菁義妻李氏

生員張邃妻李氏

生員王篤慶妻吉氏

李正高妻侯氏

生員劉永明祖母李氏

姬月桂妻李氏

生員呂友召母李氏

上官聚妻王氏

張遵先妻趙氏

生員南斗燦妻閻氏

關守法妻陳氏

王好詩妻岐氏

王九垓妻董氏

趙封陳妻謝氏

李時新妻趙氏

王惠迪妻安氏

袁帝梁妻張氏

蒲虞京妻侯氏

李朝柱妻邱氏

馬允釐妻上官氏

耿聖諭妻楊氏

曲可喜妻閻氏

楊冲霄妻孫氏

王恪妻尚氏

生員王泐妻鞏氏

生員譚士鈞妻喬氏

閻鼎立妻李氏

縣佐趙度繼妻焦氏

馮淑翼妻郭氏

趙啟運妻程氏

李淳妻郭氏

衛元瑞妻白氏

王諭妻李氏

王重才妻劉氏

李克敦妻王氏

胡大仁妻薛氏

魚克甯妻脊氏

張氏戴妻劉氏

生員馬喆生妻侯氏

張珍妻王氏

李濟宗妻高氏

高起忠妻張氏

胡臨元妻閻氏

馮擴祖妻景氏

生員王甫生妻趙氏

趙子雲妻高氏

曲維明妻張氏

王應選妻梅氏

李文妻曲氏

王顯周妻趙氏

李宗唐妻史氏

靳維忠妻張氏

扈兆瑄妻竇氏

劉廷柱妻史氏

張知本妻趙氏

張廷連妻許氏

呂招賢妻姚氏

曲魁妻呂氏

李傑妻張氏

張尊美妻楊氏

李鳴琰妻杜氏

王秉璿妻平氏

李領勇妻薛氏

程頌妻張氏

李起德妻賈氏

李萬珍妻張氏

耿敬先妻李氏

譚士鏊妻胡氏

李維修妻張氏

白呈炫妻侯氏

孫大定妻張氏

李維迪妻陳氏

王穩繼妻刁氏

李皎妻陳氏

介玉汾妻耿氏

魚守仁母馬氏暨妻衛氏

生員介惟幾妻孫氏

張義妻王氏

平大儒妻劉氏

鄭福有妻樊氏

張大志妻石氏

生員樊智妻侯氏

呂伯一妻尚氏

雷恒繼妻趙氏

喬欉妻孫氏

王賜璠妻景氏

劉日藩繼妻李氏

楊至剛妻耿氏

介掄功妻王氏

李欽唐妻蔡氏

侯丕應妻趙氏

生員呂友榮繼妻杜氏

生員介紹綿妻喬氏

生員柳春光妻趙氏

呂成文妻高氏

生員張遺妻王氏

張齡妻周氏

生員張師造妻李氏

王抱妻邵氏

張成賓妻李氏

生員譚諳妻馬氏

魚思政妻李氏

介元柱妻李氏

張文郁妻楊氏

楊廷彥妻賈氏

王大賢妻趙氏

孫國旺妻王氏

焦成善妻董氏

楊侃妻趙氏

馬中駿妻李氏

介掄統繼妻姚氏

呂欽帝妻杜氏

生員王亨妻馬氏

生員王應麟妻呂氏

生員霍永輝妻辰氏

李志善妻王氏

趙永祿妻時氏

王君賜妻趙氏

生員介彭齡妻陳氏

呂敷猷妻趙氏

李博妻趙氏

雷澤妻趙氏

柳聚鳳繼妻王氏

介創基妻張氏

段世宗妻陳氏

魚兆瑄妻王氏

呂敷治妻崔氏

閻煥章妻張氏

邱公良妻崔氏

王重才妻劉氏

上官綿妻李氏

相宏度妻霍氏

趙文正妻趙氏

李淑麟妻李氏

王萼妻陳氏

姜維祚妻薛氏

侯伯妻張氏

雷從健妻耿氏

生員姜啟新妻岐氏

耿尚志妻劉氏

張秀妻任氏

闕所守妻趙氏

主簿王秉禮妻郭氏

李大明妻高氏

趙朝義妻耿氏

邢賓妻王氏

李元臣妻尚氏

張廷芳妻王氏媳馮氏

鄧允文妻馬氏

馬星燦妻楊氏

李伯妻董氏

楊廷棟妻程氏

王鎮妻周氏

姜篤妻張氏

張如璧妻王氏

侯澤周妻馬氏

劉震威妻馬氏

生員高學孔妻相氏

生員呂廷璧妻張氏

魚拱參妻上官氏

趙焯妻李氏

張星弟妻李氏

朱大志妻張氏

趙四成妻許氏

柳法朝妻趙氏

王廷生妻侯氏

介必端妻李氏

高唐學妻李氏

馮發隆妻杜氏

平安世妻李氏

趙宗伋妻介氏

喬發福妻高氏

王子矇妻朱氏

生員王子映妻張氏

范育妻雷氏

曲廷棟妻馮氏

王本福妻黃氏

劉宗漢妻徐氏

張建德妻王氏

解明緒妻李氏

張永靖妻王氏

李義壯妻侯氏

王恩妻黃氏

姚添喜妻馬氏

相振河妻劉氏

張秉仁妻李氏

史賡凱妻王氏

李種周妻安氏

薛守普妻陳氏

相喬年妻鞏氏

劉主敬妻張氏

張永振妻王氏

葉文學妻趙氏

雷洋妻上官氏

李濟甲妻耿氏

裴義得妻施氏

張弼妻楊氏

謝璣妻耿氏

李枝貴妻高氏

李枝發妻王氏

朱學忠妻胡氏

李廷俊妻周氏

高大增妻呂氏

楊金虎繼妻秦氏

張起林妻邱氏

閻修妻樊氏

劉可度妻李氏

生員曹瀚妻胡氏

韓宗謙妻景氏

王本禮妻曲氏

南緒充妻張氏

侯星蛟妻王氏

閻玠妻呂氏

介孝珮妻王氏

高毓密妻李氏

王琦妻張氏

李象瑄妻王氏

李育妻孫氏

楊魁成妻王氏

朱恩德妻張氏

梁玉柱妻費氏

馬中驛妻楊氏

葉必發妻蔡氏

朱天養妻劉氏

寇以蒲妻蔡氏

寇以桓妻喬氏

蒲士周妻孫氏

楊效閔妻姚氏

張季玉妻南氏

張錫疆妻徐氏

耿丕著妻馮氏

李廷璧妻辛氏

王扶妻陳氏

馬士直妻張氏

馬斯才妻李氏

張知顯妻姚氏

侯惟誠妻李氏

魚汝霖妻李氏

李壯梅妻張氏

暢克立妻趙氏

谷玉金妻張氏

孫習吉妻魚氏

耿學仁妻苗氏

王九鼎妻路氏

高建唐妻荆氏

段大成妻令孤氏

馬中麟妻葉氏

劉振壽妻趙氏

閻科妻張氏

介致瓚妻王氏

張煦妻高氏

楊卓妻景氏

王再造妻譚氏

張濶妻狄氏

王致遠妻李氏

雷慶妻上官氏

劉允正妻何氏

譚司源妻趙氏

王素妻荆氏

相世孝妻喬氏

呂鵬年妻賀氏

段永健妻衛氏

生員王應祥妻趙氏

張起教妻王氏

王玉妻趙氏

王信妻常氏

趙維翰妻喬氏

趙司濂妻王氏

張廷瓚妻任氏

馮宗周妻介氏

趙誠義妻李氏

李天賜妻張氏

葉作貞妻薛氏

扈迎喜妻景氏

介必明妻喬氏

王思明妻辰氏

王紹帝妻秦氏

鞏廣勳妻趙氏

侯一代妻張氏

魚兆錫繼妻薛氏

邵自成妻潘氏

侯立邦妻劉氏

李浩妻譚氏

胡天寵妻王氏

關國柱妻姚氏

生員馬鍾青妻閻氏

舉人王貽塾妻崔氏

李榮妻陳氏

侯鳴謙妻李氏

生員王言側室裴氏

從九李震祥妻邱氏

王方泰妻曲氏

處士董秉芳妻郭氏

趙撫氏妻馮氏

王丕承妻侯氏

廩生楊棲鸞妻閻氏

高毓密妻李氏

王培槐妻許氏

范折桂妻張氏

雷慶妻王氏

李成林妻張氏

李燦霞妻張氏

鹽大使高乘郁妻相氏

州同高儀鳳妻李氏

生員樊鎮東妻喬氏

張雲桂妻閻氏

孫德澤妻馬氏

樂舞生趙秉鹽妻介氏

舉人侯爾康妻張氏

董德普妻令孤氏

生員侯振綱妻南氏

侯年康妻楊氏

增生董經邦妻李氏

李金沅妻胡氏

處士侯乙鶴妻張氏

優生馬賢臺妻南氏

處士曲訓晉妻蔡氏

王季鼎妻侯氏

邱福全妻馮氏

處士閻過泰繼妻劉氏

處士楊世奎妻馮氏

耿應斌妻王氏

張之屏妻王氏

侯廷琳妻郭氏

武生史養廉妻姚氏

楊棲鸞妻介氏

高崑周妻楊氏

呂多福妻劉氏

耿懷麒妻楊氏

處士蒲子筆妻介氏

侯梁妻路氏

辰建都妻晉氏

高集斗妻趙氏

高林一妻劉氏

生員介聯珠妻張氏

侯月恩妻李氏

介時正妻譚氏

邢三畏妻南氏

介燕侃妻尚氏

趙天福妻張氏

馮連清妻陳氏

張永傳妻張氏

生員劉子彥妻李氏

蒲聯辛妻董氏

監生劉映嵐妻王氏

劉武楨妻耿氏

王丕元妻楊氏

李祿官妻閻氏

監生常士義妻王氏

平乃梅妻衛氏

王天培妻李氏

武秉鏞妻薛氏

王椿妻甯氏

李其泰妻李氏

薛慶奎妻劉氏

馬紫淦妻董氏

李長泰妻田氏

監生上官太和妻孫氏

呂廣譽妻侯氏

李孝先妻胡氏

李士英妻張氏

高祀典妻張氏

呂效曾妻張氏

李士傑妻喬氏

杜增壽妻張氏

王奮身妻王氏

李子恭妻高氏

楊永懷妻何氏

趙天喜妻楊氏

石懷耀妻路氏

楊元妻胡氏

雷玉懷妻劉氏

趙永康妻李氏

平望峯妻王氏

生員姚進忠妻耿氏

趙西康妻賈氏

監生趙廷瑄妻魚氏

曲肇基妻馬氏

郭盈家妻閻氏

姚本興妻楊氏

高作藩妻衛氏

薛延齡妻姜氏

程符紀妻蕭氏

馬上襄妻張氏

徐夢元妻杜氏

柴黃昌妻喬氏

千總呂夢周妻王氏

白遇魁妻徐氏

邱應昌妻孫氏

李秉禮妻李氏

蔡兆祥妻喬氏

李昌和妻李氏

楊全孝妻郭氏

喬榜錄妻王氏

張嘉會妻王氏

孫憲宗妻洪氏

胡元迪妻連氏

張玉濃妻蕭氏

南海蓮妻張氏

胡允升妻任氏

生員馬舒泰妻范氏

監生高志周妻南氏

庠生趙雲棟妻景氏

張守讓妻王氏

薛伯澄妻王氏

趙如銀妻趙氏

朱映微妻詹氏

監生喬國棟妻高氏

趙從清妻黃氏

李廷僚妻朱氏

王廣貞妻周氏

李養正妻王氏

許令譽妻高氏

李文燦妻杜氏

許上達妻薛氏

許居信妻曲氏

廩生趙天御妻張氏

譚振綱妻王氏

角島
卷之三
舉人李雲棟側室羅氏

王天才妻李氏

董長命妻侯氏

呂定真妻薛氏

張作夢妻王氏

連大成妻郭氏

處士董書城繼妻馬氏

侯甲麟妻李氏

生員王崑岡妻馮氏

董秉彝妻蔡氏

耿執義妻盧氏

李錫鵠妻閻氏

李豐玉妻趙氏

喬逢泰妻王氏

舉人馬鍾宛妻胡氏

李千垣妻王氏

蔡瑜琮妻張氏

馬鍾秦妻王氏

侯撫衛妻姚氏

薛恆齡妻王氏

王興寬妻劉氏

王秉義妻楊氏

劉登巖妻辰氏

雷以泮妻惠氏

馬慶零妻侯氏

侯廷捷妻郭氏

王天增妻侯氏

馮世興妻王氏

李有蹊妻張氏

介嘉梅妻李氏

介銘濬妻常氏

李建唐妻劉氏

生員謝學琴妻史氏

耿明道妻閻氏

上官印妻王氏

侯子弼妻劉氏

張三強妻劉氏

介時英妻陳氏

張士卓妻王氏

高主術妻趙氏

趙應惠妻梁氏

州同耿全宗妻李氏

薛養正妻郭氏

馮長安妻曲氏

楊爾電妻黨氏

雷起鯨妻馬氏

李東岱妻姚氏

王遵道妻武氏

解登巒妻樊氏

蔡友玉妻李氏

丁運亨妻喬氏

生員侯用剛妻王氏

王興順妻王氏

李文龍妻辰氏

馬維駒妻姜氏

鞏衍慶妻介氏

馮向端妻耿氏

相國正妻李氏

姚福周妻劉氏

姚呈瑞妻耿氏

馬克道妻雷氏

范五株妻黃氏

楊標妻孟氏

喬采芝妻李氏

杜珍妻張氏

處士李國幹妻馬氏

解必孫妻杜氏

處士李雙麟妻王氏

劉繩武妻侯氏

葉春會妻李氏

劉居智妻薛氏

葉鳴鶴妻王氏

柳春毓妻王氏

楊生穉妻閻氏

辰鍾巒妻魚氏

郭述直妻趙氏

趙君佐妻陳氏

相克勤妻楊氏

陳三傑妻張氏

朱中和妻李氏

武生馬德駿妻喬氏

李玉琢妻高氏

醫官王步蘭妻王氏

葉際道妻張氏

從九介燕慎妻李氏

張鳳翹妻王氏

處士張振公妻劉氏

李如環妻辛氏

朱昌志妻趙氏

王于連妻景氏

高金桂妻王氏

楊蔭墀妻相氏

辰應元妻鄭氏

杜世隆妻楊氏

李宗盛妻楊氏

呂中澤妻杜氏

呂應端妻張氏

處士介承烈妻侯氏

喬五鳳妻李氏

閻春華妻胡氏

曹沛元妻陳氏

拔貢趙子甲妻胡氏

丁運亨妻喬氏

連中選妻張氏

曲恩榮妻王氏

石秀奇妻王氏

王復行妻王氏

針喜秀妻李氏

王擇豐妻薛氏

張銘珂妻尚氏

王昭埒妻陳氏

王芳魁妻李氏

高如意妻趙氏

王善述妻陳氏

曲協護妻李氏

馬學易妻秦氏

喬集駕妻張氏

處士耿乃禮妻張氏

生員李松齡妻袁氏

武生張見龍妻王氏

劉文秀妻張氏

處士馬履祥妻辛氏

王惠博妻姚氏

荆在雍妻劉氏

衛金鰲妻宋氏

李茂棠妻陳氏

張開桃妻段氏

張養昇妻李氏

胡作謀妻呂氏

荆秉震妻劉氏

宸屏藩妻劉氏

李方貴妻田氏

介培俊妻李氏

王邦傑妻李氏

關步軫妻喬氏

儒童高占辰妻趙氏

秦晉義妻苗氏

馮俊妻解氏

張開周妻陳氏

楊浚霄妻趙氏

王懋昭妻曲氏

王際昇妻荆氏

張天喜妻張氏

王三成妻盧氏

席世清繼妻武氏

張問政妻侯氏

馬履道妻范氏

馬廣鈞妻董氏

裴煜妻曹氏

杜渙校妻料氏

生員南惠國繼妻侯氏

耿東竣妻馬氏

張三德妻上官氏

張爾康妻劉氏

王三馬妻陳氏

鄭學信妻段氏

武生姜泰妻李氏

楊彥芳妻張氏

生員喬汝舟妻呂氏

李增榮妻尚氏

李德魁妻趙氏

處士楊所妻王氏

孟創福妻南氏

楊世儀妻介氏

劉芳妻葉氏

劉子選妻郭氏

姚建國妻衛氏

姚為善妻劉氏

張長惠妻孫氏

馬照黎妻李氏

上官印妻王氏

上官小元妻曲氏

上官意識妻趙氏

馮發桂妻曲氏

趙儀魁妻鞏氏

李良材妻喬氏

關國楹妻相氏

李若浚妻路氏

張則學妻常氏

庠生闕廷秀妻雷氏

王貞妻連氏

增生張宗焱妻連氏

胡乃文妻曹氏

胡乃亨妻馬氏

閻俊彥妻李氏

胡握瑜妻蕭氏

張思敬妻李氏

樊茂林妻史氏

柴玉璿妻姜氏

史作楨妻王氏

介東明妻陳氏

附貢李照榮側室張氏

處士楊樓鳳妻孫氏

鞏文蔚妻韓氏

武生關萬全妻喬氏

王增輝妻上官氏

布政司趙邁鴻妻侯氏

白邦憲繼妻孫氏

趙振海妻李氏

衛鄭華妻王氏

楊長春妻上官氏

王魁元妻郝氏

閻起璋妻程氏

柳朝俊妻閻氏

楊大為妻白氏

楊其棟妻張氏

楊夢海妻王氏

李振江妻王氏

雷鴻亮妻趙氏

民國

大井村閻效乾妻衛氏猗氏縣舉人衛聚魁之女年二
十四夫亡遺子二長天祥甫四歲次天材未離懷抱

家境拮据生計艱難氏晝織夜紡備嘗辛苦二子少
長令入村塾讀書以手工納學費及二子成立心力
交瘁今已生孫家道蒸蒸日上氏猶操作不少輟嘗
謂二子曰汝父亡時汝幼弱家無儋石負債又多孤
兒寡婦何以撐持窮苦門戶我初不料竟有今日也
四十餘年光陰如一夢耳言已且泣且喜二子均能
習苦經理家務勤勞不倦皆母氏教之也

侯村清廩生曲向乾妻高氏年二十九歲夫亡遺子篤
訓二歲值光緒三年大稔家貧如洗三旬九餐饑餓

不免氏推磴磨麵佐翁賣饅全家生命賴以保存事
繼姑二十餘年毫無倦意析居後年已老家境拮据
如故經營數年薄有田地民國六年十一月子篤訓
得病旋里氏憂子致病數日而卒

侯村清增生曲春照妻李氏年二十四歲夫亡遺子三
歲推燥就溼淒風苦雨幸子成立乃子年三十餘又
亡遺一孫一門雙寡兩世單傳與媳共撫孤孫萬苦
千辛撐持門戶今孫已長成又見曾孫氏於農務無
不精通年七十餘猶料理客作耕種之事客作不敢

英傷矣
欺處親族鄉里曲盡人情賢聲騰播衆口可云女中

侯德峻繼配介氏事姑以孝聞生子春煦待遇與前男
文炳文治不少殊文炳入郡庠氏教曰醫為活人之
術吾聞秀才學醫甚容易汝當究其理文炳遂精岐
黃業氏孀居時年二十六歲即不出閨闈以紡織為
事丁戊歲大祲家計蕭條氏茹苦含辛令子孫讀書
未幾文治領青衿食廩餼成明經孫澍時未冠補增
廣生孫裕昌由高小學校畢業是氏之子若孫相繼

以有成皆氏之力也

赤社村閻俊彥妻李氏
袁家庄趙家讓妻周氏

袁家庄趙德武妻常氏
南庄村侯用和妻李氏

南庄村侯寶三妻趙氏
南庄村王思敬妻侯氏

南庄生武王煥烈妻上官氏
西王村高爾勳妻李氏

西曲樊村王鴻基妻李氏
西曲樊村焦映離妻尉氏

西王村王惠博妻姚氏
西膏腴村趙震妻孫氏

柴家窰村柴興全妻曹氏
柴三九妻李氏

大井村閻仰元妻陳氏
長樂村處辰觀法妻陳氏

李裕德妻王氏

李廷獻妻郭氏

李賢禮妻王氏

侯村曲敬天妻劉氏

侯村曲協韶妻李氏

侯村曲象天妻令孤氏

侯村曲振彥妻閻氏

南賈村席辛未妻王氏

大峪口張震東妻杜氏

郊斜村李望洋妻譚氏

劉子選妻郭氏

楊芒種妻李氏

陳居敬妻趙氏

羅义村張開元妻邱氏

萬家庄衛恒升妻戈氏

白邦憲妻孫氏

劉大才妻李氏

楊德新妻何氏

惠澤潤妻楊氏

張永茂妻馬氏

王從周妻邱氏

西王村增生李繼倫妻衛氏

王安順妻謝氏

王舉賢妻趙氏

吉義興妻王氏

雷家坡村楊千杞妻馮氏

杜孔滌妻李氏

杜明新妻姚氏

相勤學妻張氏

東胡村李國翰妻馬氏

東胡村李雙麟妻王氏

城內廩生李生泉妻王氏

城內喬理家妻關氏

南營村李效朱妻呂氏

薛福昇妻張氏

馬車盤村王清雲妻范氏

角集三言
貴家營慶泰妻王氏

李炳張妻氏

王鑿昌妻薛氏

董觀豫繼妻蔡氏

楊門上官氏

謝進喜妻趙氏

謝子秀妻趙氏

論曰女之失節猶士之無行也士言行女言節皆謂貞潔自愛能以禮義防其身而不為利欲所誘也然則士之行尚矣而女之節僅僅以孀婦當之未免視節過小夫孀婦不再醮宜有分辨或貧家產之豐或偏子女之愛甚或昭昭伸節而偶墮行

於冥冥閨門愛昧之私有非外人所得而知者求
所謂心如古井波瀾不生若共姜矢死靡他之志
恐鄉里衆多孀婦中亦不多得是編所錄士女類
皆孀婦或病其濫然能勉強於始保全厥終確守
從一之義亦可謂壺內完人矣必以聖賢之道責
之鄉愚兒女子似非與人為善之心也七子之母
不安其室聖人著凱風之詩以為戒淫者可著以
為戒貞者不可著以為勸哉

角 鼎 三 十 九

一 二 三 四 五 六 七 八 九 十

解縣志卷之九

雜傳

有善必登有惡必記使人知勸善而懲惡焉此作
史之大法也若登善而不記惡則善者知勸而惡
者仍不知懲也且不懲惡又烏足以勸善可知隱
惡諱過之說以之存忠厚非以之著書立說也作

雜傳

蚩尤庶人之貪者或以為古時之諸侯無確據其是解
人非解人亦無確據以黃帝殺之於解即以為解之

故實孔子三朝記以蚩尤為庶人古者諸侯相侵伐
無庶人作亂者庶人作亂自蚩尤始兄弟八十一人
手造五兵毒害天下黃帝殺之於中冀蚩尤股體身
首異處故名其地為解而其血化為鹵則解之鹽池
也

裴矩字宏大訥之手好學有智數仕齊高平王文學入
周為隋文記室隋初遷給事郎伐陳領元帥記室令
與高頴收陳圖籍明年詔巡撫嶺南時俚帥遣將逼
廣州矩擊斬之大業初令掌張掖交市事引致西番

凡數十國皆朝貢又以度遼功進位光祿大夫後歸唐授左庶子轉詹事戶部尚書著書甚富

舊志曰矩嘗撰西域圖記以迎帝意又誘西域朝貢勸帝大陳中國之盛以誇夷狄而又迎拜宇文化及致位高顯不能救煬帝之惡而又長之使至滅乃又仕於唐乎

柳詵字顧言憚之子僑居襄陽少甚聰敏解屬文讀書萬卷仕梁著作佐郎後為蕭譽侍中領國子祭酒吏部尚書梁國廢拜開府為內史侍郎轉晉王諮議參

軍王招引才學士誓為之冠以師友處之文什必令
潤色甚見親重仁壽初引為東宮學士有所顧問應
答如響大業中拜秘書監封漢南縣公上退朝後命
入閣言宴諷讀終日而罷或與同榻共席恩比朋友
猶恨不能夜召乃命刻木偶人肖之月下對飲從幸
揚州卒傷悼久之贈大將軍諡康

舊志曰柳元景柳檜皆累立戰功位大將軍威望遠
著然終履於難特景神色怡然卒何其定檜城下之
呼又何其烈也檜子雄亮為父復讐手刃安康賊於

京城一時皆壯之忠孝勇決至性多奇豈風氣然耶
而士品雙瑣如世隆時譽二龍如悅如恢皆元景從
子孫專學典簡牘博羣籍工文如虬如鶩如慶皆檜
昆季亦復蔚然斌雅矣若能聲惠政以吏績稱者自
先世卓憑而下厯紀頗多而遐務德化儉及調操守
清素為最敏諳故事定新典莊通學業習世務允稱
通才第在周梁入隋之代亦可惜已至或正直為百
僚敬憚範廷折面諍澤諫進奇器為御史甚有風采
而渾為平章亦以敢言聞總不可謂非剛勁之遺也

角息志書 卷之九 三
夫人無論出處惟行誼是重如檜如敏之居憂毀瘠
如遊如奭之奔喪號慟如鎮如朱之奉母隱居解官
歸養如察躬之以孝廉颺歲之以節孝聞大本既立
於居官豈有違焉文章則僧習以來宗元以後來居
上芳冕父子史局博學富文詞冲登淹貫研綜非不
各有可觀獨吾者覽將萬卷撰體殊絕乃甘為隋主
之狎客何足數哉何足數哉

論曰蚩尤事不經未可信特以出於古籍流傳既
久姑妄聽之庸何傷然蚩尤作亂明載呂刑毒害

天下自此人始若裴矩者開疆拓土引致西番數十國皆朝貢倘生今時非所謂豪傑之士乎乃逢君長惡又崇拜宇文化及以取高位真患得患失之鄙夫也至於柳詵生長華族文章爾雅跌宕一時何竟不講行誼甘為煬帝之狎客遂使柳氏累代家風至詵而貶損古人所謂有高才能文章人生不幸惜哉詵也鄙哉詵也

